

صاحبي ، مديري ، محوري :



آبونه بدلي :
سنة لکي ۱۰۰ غروش
آتي آيلني ۵۰ »
اوج آيلني ۲۵ »

مخمس

۱۳۳۸

اداره خانه-ي :
شهرزاده باشنده (تعالي اسلام)
جمعتي مرکز عمومي
مرکز توزيني :
باب عالي جاده سنده (اتحاد
تجارت) کتبخانه-ي
اسلامک نفعنه خادم مقالات
مع التشر قبول و درج اولونور

يازانك شخصتي دكل ، يازنك احمي
نظر دفته آلتير .

ديني ، علمي ، ادبي ، اجتماعي و شميريدك شهري
مجموعه اسلاميدور

كلن يازيردن شايان قبول كوردولنار تاريخ
صيراسيله درج اولونور .

في ۷ بوجوق غروش

۱۳۳۹ هجادي الاخره سنه مخصوص نسخه

عدد : ۸

ضمیمه جات :

مخمس دینی و علمی : تعدد زوجات حقنه جناب بکه جواب - اسکیل محمد عاطف . غزالینک روح حقنه کی تلقیاتی -
آقسه کیلی احمد حمدی . نصرانیت علماسنک مسلمانلق حقنه حسن شهادتی . رضا .
مخمس تصوفی : تکیه لرك سبب انقراضی - طاهر المولوی . کلمات صوفیه . شیخ صفوت .
مخمس تاریخی : خاندان علم و معرفت - محمد عزت و محمد عارف . مستجابی زاده عصمت بك - سعاد المولوی . مدرس
یوسف افندی مرحوم - علی شوکت . تاریخ وفات . اسماعیل حق پاشا .
عالم اسلام : جاواده شیخ عبدالحیك مقامی - سعدی .
مخمس ادبی : غنی کشمیری و بعض ایاتی - طاهر المولوی .
علاوه : هند ماصالری .

دوغروسی سوبله مک لازم کلبسه « تدقیق مؤلفات » هیئتک ویرمش اولدینی شو حکمدن مقصدی نه اولدینی آکلامدم .

چونکه بو مقالاتک مأخذی (المضمون به علی غیر اهله) دکل ، بلکه غزالینک بر جوق آثاری ، بالخاصه (المضمون) نامنده کی اثری در . ذاتاً برنجی مقاله مده « غزالی مرحوم بر جوق اثرلرند بولطفه مدركه ربانیه به دأثر بیان مطالعه ایدبور . فقط بونلرک الک جعیتلیسی : (المضمون به علی غیر اهله) ، (المضمون الصغیر) نامنده کی اثرلرند سرد ایتمش اولدینی افکاردر . دیشدم . بناءً علیه (المضمون به علی غیر اهله) نامنده کی رساله طرفدن رأساً مأخذ کوستریلهمشدر ؛ هیئت برنجی مقاله بی تکرار اوقوسون .

یوق ، اگر هیئت ، امام غزالینک بر مضمونی وار ظن ایدبورسه بونده یا کیلور . چونکه غزالینک اوچ مضمونی وارددر :

۱ — المضمون به علی غیر اهله : نام دیکری (المضمون الکبیر)

۲ — المضمون الصغیر ؛ نام دیکری (الاجوبه الغزالیه فی المسائل الاخریة .)

۳ — المضمون به علی اهله .

تدقیق مؤلفات هیئت محترمه سنک (ابن الصلاح) ایله (سبکی) به عطفاً « غزالی نک دکل در » دیکلری مضمون ، محبا بونلردن هانکیسی در ؟ . سبکی نک : « ... وقد اشتهل المضمون علی التصریح بقدم العالم » ایله باشلایان عبارده سنه باقیلرسه ، هر حالده بو ، المضمون الصغیر - که بزم اصل مأخذ من اودر - دکل در . چونکه اوراده سبکی نک سوبله مش اولدینی مسائل موضوع بحث دکل در . حتی مضمون کبیر ، یعنی المضمون به علی غیر اهله ده دکل در . فی الحقیقه ، بو کتابده معرفت ربوبیت ، معرفت ملائکه ، حقائق معجزات ، معرفت بعد الموت - صوفیه نک اساسلرینه کوره - رقیق بر صورتده تصریح ایدلش ، فقط قائلنک تکفیرینی انجاب ایده جک بر مسئله موضوع بحث اولامشدر .

دها صکره ، بوکی مسائله بر مؤلفک سوزی علی الاطلاق معمول به اولاماز . فلان کتاب غزالینک دکل در ، دی به بیلک ایچون بر سبب اولقی لازمدر ؛ باشقه تورلو ایشک ایچندن چیقلماز . سبکی نک کوسترمش اولدینی سبب غزالی به نسبت اولنان اوچ مضموندن هانکیسنده ایسه ، « تدقیق مؤلفات » هیئت محترمه سی لطفاً بزه ایضاح ایتسونلرده بزه آکلامم ، که بو اثر غزالینک دکل ایش . یوقسه : « ائمه علمدن فلانک تحقیقاته نظراً بو اثر ، شومؤلفک دکل در » کی سوزلرک قیمت علمی سی یوقدر .

احمد حمدی

— ۲ — [*]

فرانسه نک بللی باشلی رؤسای روحانیه سندن اولوب تتبعات عمیقہ سی سایه سنده دین اسلامک بعض حقایقه واصل اولمجه قلبی استیلا ایدن برسودای حقیقت برستی سایقه سیله هرچه بادا باد میدان فداکاری به آتیه رق مصره قدر شد رحل ایله ازبکیه جوارنده کائن میری اوپرا بناسنده ۲۱ شباط ۱۸۹۹ تاریخنده علی ملاء الناس کال سوزشله دین مبین حقنده بر خطبه ایراد ایدن محترم موسیو (لوازون) شوبله بیوربورلر :

« حضرت محمد علیه السلام کرچه عنصر عربک درّیتمی ، فقط کافه خلافتک نی کریمدر .

حضرت محمدک رسالت جلیله سی قوم عرب به انحصار ایتمز . وحدانیت الهیه بی کشف و بیان باینده هیچ برنجی ذیشانک علوه همقی آنک کعب مغلاسنه یتز . کرچه موسی علیه السلامک دینی توحید باری اوزرینه مؤسس اولان ادیان جمله سندن بر دیندر ، آنجیق بر قومه ، یعنی بنی اسرائیله مخصوص اولدینی کی اودینه کوره هریرده عبادتده غیر ممکندر .

محمد علیه السلام ایسه دین مبینی وحدانیت وبعثت کی ایکی مستحکم اساس اوزرینه نشر و تبلیغ ایله دنیانک هرجهته اهلا ایتمشدر . ایشته بو ؛ نتیجه سی ادراک ایدنلره کوره تماماً انسانیته مصروف اولمش یک معظم برایشدر » بویوک روحانی بی مدانی (تونس) ی دخی زیارت ایدرک اسلام ، خرسیتان بالجمله خواص وعوام محضرند دین مهدی به دأثر ارادیلر بتون آذانی تشنیف و قلبلری تسخیر ایدن خطبه سنده شوبله بیوربورلر :

« خدای متعال حصر تلری مجرد بی بشری سیل سعادته ایضال ایچون نی ذیشانک قلب پاکنه وحی بیوردینی قرآن کریمک حکمت بالغه سی تجلی ایله بالجمله

[*] برنجیسی ۶ نجی نسخه ده در .

ایدیه جک رکوع وسجودک ارکائی تعلیم ایتش وکندندن
 صوکره انلرک وادی ضلاله صابء لرینه اصلاً میدان
 ویرمه جک برقانون قطعی بر اقوب کیمشدر . ایشه او
 قانون جلی البرهان اونلرک مصالح دنیا وسعادت عقبالرینی
 کافل اولان قرآندر .

تدقیقات علمیه انجمنلری
 اعضاسندن
 رضا

محفل تصوفی

مجلس تصوفی

(محفل) ک - معترفی بولوندیغ - نقائص عدیده سندن
 بریده مباحث مندرجه سی میانسده شیمدییه قدر تصوفه
 دائر یازی کوروله مه مش اولماسیدر .

محاط وزبونی اولدیغ غوائل و مشاغل آراسنده تصوفدن
 بللی ، باشلی بحثه کیریشه جک قدر اوقت بولامایه جفم کی
 عجز و نقصانمده ایسته دیکم کی یازمایه مانع تشکیل ایده جکندن
 و قتيله جمعه باشلا دیغ بر رساله نك هم درجه ، همده
 اکالنه چالیشیم دییوردم .

(حکم العرفاء) عنوانيله تحریرینه ابتدا ایدیش اولان
 بورساله ؛ عرفای صوفیه حضراتنک بعض کلمات قدسیه
 ترجمه لرینی احتوا ایلایه جک ایکن بر مقداری یازیش ،
 فقط تکمیلنه موفقیت حاصل اولاماشدی .

اخیراً (تدقیق مؤلفات هیئتی) رئیس فاضلی شیخ
 صفوت افندی حضرتلری (کلمات صوفیه) سرلوحه لی بر
 مقاله لطف ایتمه کله برابر او سرلوحه آلتنده بعض سائنحات
 صوفیه کونده ره جکلرینی وعد ایلهدیلر . ذیلاً درج اولونان
 (کلمات صوفیه) نك کریزکاهی اولمق اوزره عبد عاجزده
 حکم العرفاءک مقدمه سنی علاوه ایتدم :

« موصل حقیقت بولونان طرق علیه دن هر برینک
 (خدمت) و (محبت) ناميله ایکی رکنی واردر . بونلر ؛
 برر جناح اعتلا کی سالکک قضای معنویه یوکسلمه سنه
 واسطه اولورلر .

ا کوانی مستغرق نور ایتش ، محمد علیه السلامکده انیا
 و صدیقیندن اولدیغی بلا ریب و شک صبح صادق کی
 ظهور ایشدر . حضرت محمد هر شیشه قادر اولان اللهک
 اویله جلیل الشان ، معالی عنوان رسول معظمیدر که افرادی
 اوچوز میلیونی متجاوز اولان ملت اسلامییه بی اراده
 انبیه ایله میدان کتیرمک آکا میسر اولمشدر . او ملت که
 سمند صولتيله دار ودارات رومانی چیکنه یوب ازمیش ،
 اسمی آکلدجه شرقک ، غربک اعصابی رعشه ناک اولان
 او ملت نیزه جلا دیله ارباب کفر و ضلالک خط رجعتی
 کسمش ایدی . سر شمیدیکی حالده دیانت اسلامییه بی
 ادراک ایتمکده ایسه کزده بن سزه شوسوزلرمله ده
 فضله ایضاحات ویرمکی وجیه عد ایلهدم . شویله که :

دیانت نصرانیه ایکی قاعده اوزرینه مؤسس اولوب
 بری حضرت عیسانک ابن الله اولماسیدر که (جناب حق
 بوندن منزهدر) دیکری ده وجود باری مسأله سیدر
 برنجیسی حقنده مسلمانلر طایت معقول و منطقی قول
 ورایده بولنه رقی عیسی ، ابن الله دکل ، آنحق روح اللهدر .
 زیرا (لم یلد ولم یولد) مقتضایه شانه الوهیت ، ابوت
 و نبوت کی شیلردن متعالیدر .

ایکنجیسی که خالق تعالی حضرتلرینک موجود ،
 شریک و نظیردن منزده ، قدرت ، علم ، علو ، و وحدانیت
 ایله متصف اولماسیدر . ایشه بونده اسلام ایله نصرانیت
 برلشمش کییدر . شو قدر وار که مسلمانلر هر شیشه قادر
 اولان اللهک عظمت و جلالی بیانیجه قبول کاد صمدانییه
 قارشلی دست تضرع لرینی کشاد و عجز و نقصانلرینی اعتراف
 ایله انقیاد ایدرک جناب حقندن رحمت و مغفرت و دارین
 حقنده سعادت و سلامت طلب ایدرلر . نصاریه کلنجه
 خالق حقیقی لرینی تحریر و استدلالده قسماً ذهول و صراط
 مستقیمدن اولدجه عدول ایتدیلر . بویله دهشتلی میلیونلر
 تشکیل ایدن مسلمانلرک حق بولنه متوجه اولمالری ایسه
 آنحق محمد علیه السلامک فیض و برکتی و علوه متقی سایه سنده در .
 حضرت محمد آنلره معبود بالحق اولان ذات اجل و اعلایه